



集諸經禮懺儀卷上

英

大唐西崇福寺沙門智昇撰

一切恭敬 敬禮常住三寶

是諸眾等人各踴躍嚴持香花如法
供養願此香花雲遍滿十方界供養
一切佛化佛并菩薩無數聲聞眾受
此香花雲以為光明臺廣於無邊界
無邊无量佛土中受用作佛事供養
一切恭敬嚴持香花如法行道一切
普誦

如來妙色身 世間無與等 無比不思議
是故今敬禮 如來色無盡 智慧亦復然
一切法常住 是故我歸依
敬禮常住三寶

歎佛呪願

如來應供正遍知明行足善逝世間
解无上士調御丈夫天人師佛世尊
佛有如是無量功德歎不能盡以此
善根以集當集現集一切善根以此
善根滋益法界眾生悉得離苦解脫
捨邪歸正發菩提心永除三障常見
一切諸佛菩薩及善知識恒聞正法

福智具足一時作佛

集諸經禮懺儀卷上第三張英

南無東方須彌燈光明如來十方佛
等一切諸佛

南無毗婆尸如來過去七佛等一切
諸佛

南無普光如來五十三佛等一切諸佛
南無東方善德如來十方佛等一切
諸佛

南無拘那提如來賢劫千佛等一切
諸佛

南無釋迦牟尼如來三十五佛等一
切諸佛

南無東方阿閼如來十方無量佛等
一切諸佛

南無寶集佛 南無寶勝佛

南無成就盧舍那佛

南無盧舍那鏡像佛

南無盧舍那光明佛

南無不動佛 南無大光明佛
南無無量聲如來 三稱
南無無量聲如來
南無阿彌陀佛

集諸經禮懺儀卷上 第五張 英字號

南无大稱佛 南无寶光明佛

南无得大无畏佛

南无燃燈火佛 南无寶聲佛

南无無邊無垢佛

南无月聲佛 南无無邊稱佛

南无日月光明世尊 三稱

南无日月光明世尊

南无无垢光明佛

南无清淨光明佛

南无日光明佛 南无無邊寶佛

南无華勝佛 南无妙身佛

南无法光明清淨開敷蓮華佛

南无虚空功德清淨微塵等目端正

功德相光明華波頭摩琉璃光寶體

香竅上香供養訖種種莊嚴頂髻无

量無邊日月光明願力莊嚴變化莊嚴

法界出生无障身王如來

南无毫相日月光明華寶蓮華堅如

金剛身毗盧遮那无障身眼圓滿十

方放光照一切佛刹相王如來

普為四恩三有法界衆生斷除三障

歸命懺悔如是等一切世界諸佛世

集諸經禮懺儀卷上 第四張 英字號

尊常住在世是諸世尊當慈念我憶

念我證知我若我此生若我前生從

无始生死已來所作衆罪若自作若

教他作見作隨喜若塔若僧若取四

方僧物若自取若教人取見取隨喜

或作五逆無間重罪若自作若教他

作見作隨喜十不善道自作教他見

作隨喜作衆罪或有覆藏或不覆

藏應墮地獄餓鬼畜生諸餘惡趣邊

地下賤及弥戾車於如是等處所作

罪障今皆懺悔

今諸佛世尊當證知我當憶念我我

復於諸佛世尊前作如是言若我此

生若於餘生曾行布施或守淨戒乃

至施與畜生一掃之食或修淨行所

有善根成就衆生所有善根修行善

提所有善根求无上智所有善根一

切合集計校籌量悉皆迴向阿耨多

羅三藐三菩提如過去未來現在諸

佛所作迴向我亦如是迴向

衆罪皆懺悔諸福盡隨喜及請佛功德

願成无上智去來現在佛於衆生最勝

无量功德海 歸依合掌礼 一切普誦

集諸經禮懺儀卷上 第五張 英字號

南无摩訶般若波羅蜜是大神呪是

大明呪是无上呪是無等等呪

處世界 如虚空 如蓮華 不着水

心清淨 起於彼 稽首礼 无上尊

願以此功德普及於一切我等與衆生

皆共成佛道

礼佛以恭敬

自歸依佛 當願衆生 體解大道

發无上意 自歸依法 當願衆生 深入經藏

智慧如海 自歸依僧 當願衆生 統理大眾

一切无碍

願衆生聽說日暮无常偈今日已過

暮夜難保但觀此身念念衰老百年

當其如何可保是故衆等勤心行道

諸行無常是生滅法生滅滅已寂滅

為樂如來證涅槃永斷於生死若能

至心聽常得无量樂

十方佛名經一卷

一切恭敬 敬礼常住三寶

一切普誦

如來妙色身 世間无與等 無比不思議

是故今敬礼 如來色無盡 智慧亦復然

一切法常住 是故我歸依

敬礼常住三寶

歎佛呪願

天上天下無如佛 十方世界亦無比

世界所有我盡見 一切无有如佛者

敬礼釋迦牟尼佛

敬礼當來弥勒尊佛

敬礼東方善德如來一切諸佛

敬礼東南方無優如來一切諸佛

敬礼南方栴檀功德如來一切諸佛

敬礼西南方寶施如來一切諸佛

敬礼西方無量明如來一切諸佛

敬礼西北方花德如來一切諸佛

敬礼北方相德如來一切諸佛

敬礼東北方三乘行如來一切諸佛

敬礼上方廣眾德如來一切諸佛

敬礼下方明德如來一切諸佛

敬礼賢劫千佛千五百佛

敬礼五百花首百億金剛藏佛

敬礼三十五佛五十三佛

敬礼過現未來三世諸佛

敬礼舍利形像浮圖寶塔

敬礼十二部尊經甚深法藏

敬礼諸大菩薩一切賢聖

為二十八天釋梵王等敬礼常住三寶

為諸龍神等風雨順時敬礼常住三寶

為過現諸師恒為導首敬礼常住三寶

為天皇天后聖化無窮敬礼常住三寶

為諸王公主文武百官敬礼常住三寶

為現存父母諸善知識敬礼常住三寶

為十方施主六度圓滿敬礼常住三寶

為此國過往諸人神生淨土敬礼常
住三寶

為僧伽監神并諸眷屬敬礼常住三寶

為四方寧靜兵甲休息敬礼常住三寶

為三塗八難受苦眾生敬礼常住三寶

為法界眾生永除三障歸命懺悔

至心懺悔

十方無量佛所知無不盡我今悉於

前發露諸黑惡三三合九種從三煩

惱起今身若前身有罪盡懺悔於三

惡道中若應受業報願得今身償不

入惡道受懺悔已歸命礼三寶

至心勸請

十方一切佛現在成道者我請轉法

輪安樂諸眾生十方一切佛若欲捨

壽命我今頭面礼勸請今久住勸請

已歸命礼三寶

至心隨喜

所有布施福持戒修禪行從身口意

生去來今所有習行三乘人具足三

乘者一切凡夫福眾等皆隨喜隨喜

已歸命礼三寶

至心迴向

我所有福德一切皆和合為諸眾生

故正迴向佛道迴向已歸命礼三寶

至心發願

願諸眾生等悉發菩提心繫心常思

念十方一切佛復願諸眾生永破諸煩

惱了了見佛性猶如妙德等發願已

歸命礼三寶

諸大德欲求寂滅樂當學沙門法衣

食計身命精麁隨眾等今朝某甲僧

各六念六念已礼佛恭敬

自歸依佛 當願眾生 體解大道

發无上意 當願眾生 深入經藏

智慧如海

集諸經禮懺儀卷上第十張 六三—五八六

自歸依僧 當願眾生 統理大眾 一切无碍

願諸眾生 三業清淨 奉持尊教 和南聖眾

大集經呪

南無佛陀耶 胡嚧嚧 志度嚧

遮賊婆 訖利波 志檀且 步嚧且

娑婆訶

此呪出大集經誦一遍當誦十二部經一遍當禮万五千佛名四十万八千五百遍又持呪人身上如大地微塵如是等罪皆消滅

南無救苦觀世音菩薩摩訶薩

南無救苦觀世音菩薩摩訶薩

南無救苦觀世音菩薩摩訶薩

向來稱揚十念功德廣大善根資益

亡者花臺花閣空裏相迎寶坐寶床

乘虛接引摩尼殿上聽說苦空般若

池中蕩除心垢觀音化佛為作證明

弥勒坐前分明受記六親眷屬七族

因緣百福莊嚴天龍衛護三塗息苦

地獄停酸大及士靈俱時離苦和南

聖眾檀為万行首捨著離堅食是故

集諸經禮懺儀卷上第十張 六三—五八六

今施主持財奉布施以此勝善根果報无窮盡逮及苦眾生當來成佛道施粥得天帝釋說

持戒清淨如所奉 恭敬隨時以粥施

十利饒益於行者 色力壽樂辭清辯

宿食風除飢渴消 是名為藥佛所說

欲得生天長受樂 應當以粥施眾僧

南無十方無邊際去來現在一切佛

等空不動真如智清淨皎誠養摩羅

清淨法身毗盧遮圓滿報應嚧舍那

應化色身千百億釋迦牟尼現娑婆

三佛體同一切余故我頂禮諸佛陀

南無十方無邊際去來現在一切佛

諸佛身如新明鏡我心淨若摩尼珠

諸佛志未入我身我還遍入諸佛軀

彼此相入如鏡像无來無去體空虛

無障无碍無生滅故我頂禮心真如

南無十方無邊際去來現在一切佛

諸佛真身並如鏡善現聖凡真身相

一一身現一切身一切身中身无量

法性清淨體空融身相涉入而无障

法身圓滿遍法界故我頂禮如來藏

南無十方无邊際去來現在一切佛

集諸經禮懺儀卷上第十張 六三—五八六

聖凡心性真如來具足一切功德財智慧光明恒普照自性清淨心本開常樂我淨真識智清淨不變始終明

久乘如道成正覺故我頂禮心如來

南無十方無邊際去來現在一切佛

法身實相真如智湛然圓滿遍世界

一切諸法藏摠持摠持是心能善持

不信見聞及覺知无知見覺覺真正

自覺覺他佛無二故我頂禮身佛性

南無十方無邊際去來現在一切佛

正真正道大悲心自性清淨極懸深

非修非作无見得離名絕想願思尋

悲作有無微難見諸魔外道莫能侵

常住圓滿無增減故我頂禮菩提心

南無十方无邊際去來現在一切佛

佛與眾生性本淨始終自如久坦然

清淨寂極微密體无生滅性恒安

已无分別無增減万德圓滿寂无端

具八自在真常樂故我頂禮大涅槃

南無十方无邊際去來現在一切佛

聖凡心性久如如无有是非一切離

三界六道體寂滅唯有性空第一義

朗然普照常寂靜欲顯真如與言寄

了達諸法无能所故我頂礼波若智
南無十方無邊際去來現在一切佛
聖凡心性空无因普照十方無邊際
真如寂體滿虚空實相湛然遍法界
一切諸佛諸法藏惣持是心能善捨
無有一法不淨心故我頂礼大明惠
南無十方無邊際去來現在一切佛
聖凡世性本來真自性清淨與言陳
非空非有无能所亦復能為諸法因
建立生長一切法無能无所無能仁
寂而常用无增減故我頂礼法性身
南无十方無邊際去來現在一切佛
聖凡心性體空寂久離無明凝暗明
常燃性戒定慧炸解脫知見知見燈
五衆和合無違諍寂光普照无愛憎
五分法身常清淨故我頂礼無為僧
南無十方无邊際去來現在一切佛
聖凡心性離名色而見名色相莊嚴
淨心法身是一等能見諸色等法性
智身法身報應同色身不二體空寂
隨感應化一切身故我頂礼衆賢聖
於此平等礼不礼無不礼一礼遍含
識同會實相體

一心敬礼常住三寶
普請歸依佛諸魔種子除真如平等顯
見性皈无餘
普請歸依法恒沙經藏開惣持心境內
無去亦无來
普請歸依僧啓道入如流無諍神光顯
同歸波若舟
至心懺悔
惣懺六根諸見罪昔日迷真悞執真
今知真妄元來一生死寂靜涅槃因
通達法燈光內照菩提妙相絕疎親
無礙慧王師子吼碎諸煩惱作微塵
一一塵中无量佛一一佛現無邊身
恒沙功德於中現一切三寶惣持心
平等真如真淨土金剛性海慧光深
志願衆生同證此普請開心見法身
文殊師利礼法身佛
至心歸命礼真如法身佛願共諸衆生
同歸真如海無色无形相无根無住處
不生不滅故敬礼無所觀不去亦不住
不取亦不捨遠離六入故敬礼无所觀
出過於三界等同於虚空諸欲不涂故
敬礼无所觀於諸威儀中去來及睡眠

常在寂靜故敬礼无所觀去來志平等
已住於平等不壞平等故敬礼无所觀
入諸无相定見諸法寂靜常入寂靜故
敬礼无所觀諸佛虚空相虚空亦无相
離諸因果故敬礼无所觀虚空无中邊
諸佛身亦然心同虚空故敬礼无所觀
佛常在世間而不涂世法不分別世故
敬礼无所觀諸法猶如幻如幻不可得
離諸幻法故敬礼无所觀以此平等礼
無礼无不礼一礼遍含識同會實相體
普為四恩三有及六趣衆生斷除三
障發菩提心歸命懺悔
至心懺悔弟子等自從無始已來迷
本逐癡情忘謂身心故自他分別生
由斯起惡業虛受六道形觀察尋其
主了不見真源三毒貪瞋海真實是
泥洹今日自懺悔不復縱情端千万
劫衆罪消融一念間懺悔已至心歸
命礼三寶
至心勸請十方三世大慈尊唯願常
住莫涅槃三界衆生迷未悟如何早
得見真源將心逐心不自覺妄執顛
倒永沉淪唯願慈尊哀受請種種方

集諸經禮懺儀禮三卷

卷之三

集諸經禮懺儀禮三卷

便引群生勸請已至心歸命禮三寶
 至心隨喜過去已成佛其數如恒沙
 未來修學者遠長菩提牙三界无根
 本猶如虚空花唯願諦思入正受共
 遊法界家隨喜已至心歸命禮三寶
 至心迴向无始已來心流浪未曾一
 念正迴向今日始悟心無生昔來迷
 昏自生障唯願學人如諸佛離念分
 別正迴向迴向已至心歸命禮三寶
 至心發願願一切衆生見心源速離
 煩惱越苦海早證身中大涅槃唯願
 慈尊加護念莫滯有无諸見生發願
 已至心歸命禮三寶

此即依華嚴經發十大願

第一願者願弟子等一切劫中一切
 生處常恭敬供養一切諸佛盡未來
 際無有休息

第二願者願弟子等常受持一切諸
 佛如來甚深法藏即自開解不由他
 悟盡未來際无有休息

第三願者願弟子等一切諸佛坐道
 場處常於是中攝法為首請轉法輪
 盡未來際无有休息

第四願者願弟子等常行一切菩薩
 大願大行盡未來際無有休息

第五願者願弟子等常能教化一切
 衆生若卵生若胎生若濕生若化生
 若有色若无色若有想若无想若非
 有想若非無想我皆令入无餘涅槃
 如是滅度无量無邊衆生實无衆生
 得滅度者盡未來際无有休息

第六願者願弟子等常知一切諸佛
 國土如對目前盡未來際無有休息

第七願者願弟子等常能嚴淨一切
 諸佛國土盡未來際無有休息

第八願者願弟子等常不離一切諸
 佛菩薩及善知識同心修行集諸善
 根盡未來際无有休息

第九願者願弟子等所有三業若有
 衆生見聞者無有空過如大藥王樹
 如如意珠身盡未來際无有休息

第十願者願弟子等正覺轉大法
 輪度脫一切衆生盡未來際無有休息

願以此禮佛行道懺悔發願燒香燃
 燈所修一切善根悉以迴施一切衆
 生願令一切衆生永離一切地獄餓

鬼畜生閻羅王受苦處常生人中
 見佛聞法發菩提心修菩薩行
 又願以此善根迴向無上菩提不求
 世間生死果報又願以此善根迴向
 真如法界海

此即讚西方禮阿彌陀佛文

至心歸命禮西方阿彌陀佛
 觀彼彌陀極樂界廣大寬平衆寶成
 四十八願莊嚴起超諸佛刹寂為精
 本國他方大海衆窮劫竿數不知名
 普勸歸西同彼會恒沙三昧自然成
 願共諸衆生往生安樂國

至心歸命禮西方阿彌陀佛
 地下莊嚴七寶幢无量無邊元億數
 八方八面百寶成見彼无生自然悟
 無生寶國永為常一一寶流无数光
 行者傾心常對目騰神踊躍入西方
 願共諸衆生往生安樂國

至心歸命禮西方阿彌陀佛
 地上莊嚴轉無極金繩界道非工匠
 弥陀願智巧莊嚴菩薩人天散花上
 寶池寶色寶光飛一一光成无数臺
 臺中寶樓千万億臺側百億寶幢圍

願共諸衆生往生安樂國

至心歸命禮西方阿彌陀佛

一一臺上虛空中莊嚴寶樂亦無窮

八種清風尋光出隨時鼓樂應機音

機音正受稍為難行住坐卧攝心觀

唯除食時常憶念三昧元為即涅槃

願共諸衆生往生安樂國

至心歸命禮西方阿彌陀佛

寶國寶林諸寶樹寶華寶葉寶根莖

或以千寶分林異或有百寶共成行

行行相當葉相次色各不同光亦然

等量齊高三十下級條相觸說无因

願共諸衆生往生安樂國

至心歸命禮西方阿彌陀佛

七重羅網七重宮綺牙迴光相映發

化天童子皆充遍瓔珞輝光超日月

行行寶葉色千般華敷等若施金輪

廣變光成衆寶蓋塵沙佛刹現无邊

願共諸衆生往生安樂國

至心歸命禮西方阿彌陀佛

寶池寶岸寶金沙寶渠寶葉寶蓮華

十二由旬皆正等寶羅寶網寶欄遮

德水分流尋寶樹聞波韻樂證恬怡

寄語有緣同行者努力翻迷還本家

願共諸衆生往生安樂國

至心歸命禮西方阿彌陀佛

一金繩界道上寶樂寶樹千万億

諸天童子散華香他方菩薩如雲集

無量无边無能計稽首彌陀恭敬立

風鈴樹鬘遍虚空歎說三尊无有極

願共諸衆生往生安樂國

至心歸命禮西方阿彌陀佛

彌陀本願華王座一切衆寶以為成

臺上四重張寶幔彌陀獨坐顯真形

真形光明遍法界蒙光觸者心不退

晝夜六時專想念終時快樂如三昧

願共諸衆生往生安樂國

至心歸命禮西方阿彌陀佛

彌陀身心遍法界影現衆生心想中

是故勸汝常觀察依心起相觀真容

真容寶像臨華座心開見彼國莊嚴

寶樹三身華遍滿風鈴樂響與門同

願共諸衆生往生安樂國

至心歸命禮西方阿彌陀佛

彌陀身色如金山相好光明照十方

唯有念佛蒙光攝當知本願取為強

十方如來舒舌證專稱名号至西方

到彼華開聞妙法十地願行自然彰

願共諸衆生往生安樂國

至心歸命禮西方阿彌陀佛

觀音菩薩大慈悲以望菩提捨不證

一切五道内身中六時觀察三輪應

應現身光紫金色相好威儀轉无極

恒舒百億光王手菩薩有緣歸本國

願共諸衆生往生安樂國

至心歸命禮西方阿彌陀佛

勢至菩薩難思議威光普照无边際

有緣衆生蒙光觸增長智慧超三界

法界傾搖如轉蓬化佛菩薩滿虚空

普勸有緣常念佛永絕胞胎證六通

願共諸衆生往生安樂國

至心歸命禮西方阿彌陀佛

正坐結加入三昧想心乘念至西方

親見彌陀極樂界地上虚空七寶莊

彌陀身量極无边重勸衆生觀小身

丈六八尺隨機現圓光化侍等真前

願共諸衆生往生安樂國

至心歸命禮西方阿彌陀佛

上輩上行上根人求生淨土斷貪瞋

集諸經禮懺卷上 第三十五 其

集諸經禮懺卷上 第三十五 其

集諸經禮懺卷上 第三十五 其

就行差別分三品五門相續助三因

一日七日專精進畢命乘臺出六塵

慶哉難逢今得遇永證無為法相身

願共諸眾生往生安樂國

至心歸命禮西方阿彌陀佛

中輩中行中根人一日齋戒履金蓮

孝養父母教迴向為說西方快樂因

佛與聲聞眾來取直到彌陀華座前

百寶花籠經七日三品蓮開證小真

願共諸眾生往生安樂國

至心歸命禮西方阿彌陀佛

下輩下行下根人十惡五逆等貪瞋

四重偷僧謗正法未曾慙愧悔前慳

終時苦相皆雲集地獄猛火罪人前

忽遇往生善知識急勸專稱彼佛名

化佛菩薩尋聲到一念傾心入寶蓮

三業障重開經劫于時始發菩提因

願共諸眾生往生安樂國

至心歸命禮西方阿彌陀佛

樂何樂事難思議無邊菩薩為同學

性海如來盡是師渴聞波若絕思議

念食无生即斷飢一切莊嚴皆說法

無心領納自然知七寶華池隨意入

八輩疑神會一技弥陀心水沐身頂

觀音大勢與衣披欵尔騰空遊法界

須臾投記号無為如此逍遙極樂處

吾今不去待何時

願共諸眾生往生安樂國

至心歸命禮西方阿彌陀佛

哀憫覆護我今法種增長此世及後

生願佛常攝受願共諸眾生往生安

樂國

至心歸命禮西方極樂世界觀世音

菩薩願共諸眾生往生安樂國

至心歸命禮西方極樂世界大勢至

菩薩願共諸眾生往生安樂國

清淨大海眾願共諸眾生往生安樂國

普為師僧父母及善知識法界眾生

漸除三障同得往生阿彌陀佛國歸

命懺悔

至心懺悔

南無歸懺十方佛願滅一切諸罪根

今將久近所修善迴作自他安樂因

唯願一切臨終時勝緣勝境悉現前

願觀弥陀大悲主觀音勢至十方尊

仰唯神光蒙接手乘佛願力生彼國

懺悔迴向發願已至心歸命禮阿彌

陀佛

說得言說得更當心口發願願弟子

臨命終時心不顛倒心不錯亂心不

失念身心无諸苦痛身心快樂如入

禪定聖眾現前乘佛本願上品上生

阿彌陀佛國到彼國已得六神通迴

入十方界救攝苦眾生虛空法界盡

我願亦如是發願已至心歸命禮阿

彌陀佛

大眾欲作西方業初夜獨坐自思量

莫言久住閻浮地會有一日即无常

命如當風一條燭亦如石中一電光

聞身康強不苦行臨渴掘井水難望

願共諸眾生往生安樂國

今觀此身實可厭種種不淨假名身

三百碎骨相撐柱遍體何曾有片真

香粉塗身无狀足畢竟地下成灰塵

煩惱熾盛何曾歇終是流浪三塗因

普勸道場諸眾等真心念佛入真門

願共諸眾生往生安樂國

貪瞋六賊无虛假妄想悠悠循臭身

夢裏種種縱橫去忽覺寂滅並虛然
 四大无常歸糞土魂魄零落若个邊
 生時財物他人用自身唯得紙泥錢
 為此佛在西方國努力相勸用心鑄
 願共諸衆生往生安樂國
 至心歸命禮西方阿彌陀佛
 發願生佛國聖衆普應知今生蒙佛
 教不敢更生疑一日七日專精進定
 得西方花上期
 願共諸衆生往生安樂國
 淨土使樂無人去地獄苦報竟鑽頭
 聞悉一聲不惜死善法未肯至心求
 死墮阿鼻十八獄輪迴受苦何時休
 願共諸衆生往生安樂國
 歸去來魔鄉不可停曠劫來流轉六
 道盡皆經到虜无餘事唯聞生死聲
 為此生平後入彼涅槃城
 願共諸衆生往生安樂國
 觀彼弥陀極樂界廣大寬平衆寶城
 雲花作行无有數擬待此地善衆生
 五濁欲修十善業第一專誦弥陀經
 心口稱佛無厭足命終菩薩自來迎
 願共諸衆生往生安樂國

至心歸命禮西方阿彌陀佛
 諦觀西方有一國其國有佛号弥陀
 一生說法恒沙劫普為世界斷諸魔
 極樂城中登聖坐諸天園遶慈來過
 八万四千菩薩衆奉持花果散娑婆
 願共諸衆生往生安樂國
 普為梵釋四天天子龍八部帝主人王
 師僧父母及善知識法界衆生斷除
 三障同得往生阿彌陀佛國歸命懺悔
 諸行無常是生滅法 生滅滅已
 寂滅為樂
 如來證涅槃 永斷於生死 若能至心聽
 常得无量樂
 南無本師釋迦牟尼佛等一切三寶
 我今稽首禮迴願往生无量壽國
 南无十方三世盡虚空遍法界微塵
 刹土中一切三寶我今稽首禮迴願
 往生无量壽國
 南無西方極樂世界阿彌陀佛願共
 衆生咸歸命故我頂礼生彼國
 南无西方極樂世界無量光佛願共
 衆生咸歸命故我頂礼生彼國
 南無西方極樂世界无边光佛願共

衆生咸歸命故我頂礼生彼國
 南無西方極樂世界无身光佛願共
 衆生咸歸命故我頂礼生彼國
 南无西方極樂世界無對光佛願共
 衆生咸歸命故我頂礼生彼國
 南无西方極樂世界光焰王佛願共
 衆生咸歸命故我頂礼生彼國
 南無西方極樂世界清淨光佛願共
 衆生咸歸命故我頂礼生彼國
 南无西方極樂世界歡喜光佛願共
 衆生咸歸命故我頂礼生彼國
 南無西方極樂世界智慧光佛願共
 衆生咸歸命故我頂礼生彼國
 南无西方極樂世界不断光佛願共
 衆生咸歸命故我頂礼生彼國
 南无西方極樂世界難思光佛願共
 衆生咸歸命故我頂礼生彼國
 南無西方極樂世界无稱光佛願共
 衆生咸歸命故我頂礼生彼國
 南无西方極樂世界超日月光佛願
 共衆生咸歸命故我頂礼生彼國
 南無西方極樂世界阿彌陀佛哀愍
 覆護我今法種增長此世及後生願

佛慈悲常攝受願共衆生成歸命故

我頂礼生彼國

南无西方極樂世界觀世音菩薩摩訶

訶薩願共衆生成歸命故我頂礼生

彼國

南无西方極樂世界大勢至菩薩摩訶

訶薩願共衆生成歸命故我頂礼生

彼國

南无西方極樂世界諸尊菩薩摩訶

薩清淨大海衆願共衆生成歸命故

我頂礼生彼國

普為上界梵釋四王天龍八部帝主

人王師僧父母及善知識法界衆生

悉願斷除三障同得往生阿彌陀佛

國歸命懺悔

南无普光佛

南无普淨佛

南无多摩羅跋耨檀香佛

南无栴檀光佛 南无摩互幢佛

南无歡喜藏摩互寶積佛

南无一切世間樂見上大精進佛

南无摩互幢燈光佛

南无慧炬照佛 南无海德光明佛

南无金剛牢強普散金光佛

南无大強精進勇猛佛

南无大悲光佛 南无慈力王佛

南无慈藏佛 南无栴檀窟莊嚴勝佛

南无賢善首佛 南无善意佛

南无廣莊嚴王佛 南无金剛華佛

南无寶蓋照空自在王佛

南无虚空寶華光佛

南无琉璃莊嚴王佛

南无普現色身光佛

南无不動光佛 南无降伏諸魔王佛

南无才光明佛 南无智慧勝佛

南无弥勒仙光佛 南无世靜光佛

南无善寂月音妙尊智王佛

南无龍種上尊王佛

南无日月光佛 南无日月珠光佛

南无慧惱勝王佛

南无師子吼自在力王佛

南无妙音勝佛 南无常光幢佛

南无觀世燈佛 南无慧威燈王佛

南无法勝王佛 南无須弥光佛

南无須曼那華光佛

南无優鉢羅華殊勝王佛

南无大慧力王佛

南无阿閼鞞歡喜光佛

南无无量音聲王佛

南无才光佛 南无金海光佛

南无山海慧自在通王佛

南无大通光佛

南无一切法常滿王佛

此五十三佛名者乃是過去久遠舊

住娑婆世界成熟衆生而般涅槃若

有善男子善女人及餘一切衆生得

聞是五十三佛名者是人於百千万

億阿僧祇劫不墮惡道若復有人能

誦是五十三佛名者除滅四重五逆

及謗方等經皆悉清淨以是諸佛本

捨願故於念念中即得除滅如上諸罪

此花嚴偈九

一切衆生類 皆悉三世攝 三世諸衆生

皆為五陰攝 五陰諸衆生 皆悉從業起

諸業因心起 心法猶如幻 衆生亦如是

凡衆生皆不得漫瞋瞋時忍即誦此

四偈

瞋是忍辱花 忍是瞋家果 花生便擿却

果生何處坐

但人受苦產戒八勝法偈

第一趣道勝 第二發心勝 第三功德勝

第四福田勝 第五受罪輕微勝

第六慶胎勝 第七神通勝 第八果報勝

此四偈亦是受菩薩戒法偈

金剛無等解脫道 十力雄猛震三千

破壞外道巨乳衆 不與魔邪作因緣

此四偈亦是菩薩戒香湯法

西方溫池水雪山童子補香湯澡浴

凡夫表裏淨唯願速生弥勒家

此四偈亦是戒法

戒如明月月亦如瓔珞珠 微塵菩薩衆

由戒成正覺

此四偈是破戒偈

破戒如弦斷 持戒若施弦 臨陣空牽挽

如何若向前

此八偈是大智度論偈

世間人心動 愛好福果報 而不好福田

求有不求滅 先聞邪見法 心著而深入

我是甚深法 無信去何解

此四偈亦須修善業

汝得人身不修道 如向寶山空手歸

汝今自造還自受 啼啼啼哭知向誰

非計梵懺儀卷上 諸佛

阿弥陀佛呪

那謨善陀夜 那謨馱囉摩夜那

謨僧伽夜 那摩阿彌多婆夜

多姪他 阿彌唎瑟 阿彌唎都

娑鼓早 阿彌唎哆 多婆鼓早

阿彌唎哆鼻 迦囉瑟 伽彌你伽

伽那稽唎夜 迦囉瑟囉囉 波迦囉

焰迦囉 沙婆呵

合香之法

沉香一兩 煎香一兩 薰陸香一兩

甘松香一兩 零陵香一兩 甲香一兩

丁丁香一兩 白膠香真文五 鷄舌香文十二

青木香一兩 香浮子文十 擣羅取末

以蜜和之 白檀香一兩

去何梵

去何得長壽 金剛不壞身復以何因緣

得大堅固力 去何於此經 究竟到彼岸

戒香 定香 慧香 解脫香 解脫

知見香

光明雲臺遍法界 供養十方无量佛

見聞普薰證寂滅

願佛開微密 廣為衆生說

南無東方善德如來十方佛等一切

諸佛

諸佛

南无拘那提如來賢劫千佛等一切

諸佛

南无釋迦牟尼如來三十五佛等一

切諸佛

南无釋迦牟尼佛 南无金剛不壞佛

南无寶光佛 南无龍尊王佛

南无精進軍佛 南无精進喜佛

南无寶積佛 南无寶藏佛

南无現无愚佛 南无寶月佛

南无無垢王佛 南无離垢佛

南无勇施佛 南无清淨佛

南无清淨施佛 南无婆留那佛

南无水天佛 南无堅德佛

南无稱讚功德佛 南无无量拘光佛

南无光德佛 南无無憂德佛

南无那羅延佛 南无功德華佛

南无蓮華光遊戲神通佛

南无財功德佛 南无德念佛

南无善名稱功德佛

南无紅炎幢王佛

南无善遊步功德佛

南无闍戰勝佛 南无善遊安

集諸經禮懺儀卷上第三十三

南無周匝莊嚴功德佛

南無寶蓮華遊步佛

南無寶蓮華善住娑羅樹王佛

藥王藥上經空有其目而无名号此

三十五佛名出決定毗尼經

南无東方阿閼如来十方无量佛等

一切諸佛已上七階依藥王藥上經

文次第已下別明依餘部經等疏出

南无寶集如来二十五佛等一切諸佛

南無寶集佛 南无寶勝佛

南无成就盧舍那佛

南無盧舍那鏡像佛

南无盧舍那光明佛

南無不動佛 南无大光明佛

南无無量聲如来 三稱

南無无量聲如来

南无無量聲如来

南無阿弥陁訶沙佛

南无大稱佛 南無寶光明佛

南無得大無畏佛 南无燃燈火佛

南无實聲佛

南無无边无垢佛 南无月聲佛

南无无边稱佛 南無日月光明世尊

集諸經禮懺儀卷上第三十四

南無日月光明世尊

南无日月光明世尊

南無无边光明佛 南无清淨光明佛

南无日光明佛 南無无边寶佛

南無華勝佛 南无妙身佛

南无法光明清淨開敷蓮華佛

此二十五佛出佛名經第八卷

南无虚空功德清淨微塵等目端正

功德相光明華波頭摩琉璃光寶體

香最上香供養訖種種莊嚴頂髻无

量无边日月光明願力莊嚴變化莊

嚴法界出生无障尋王如来

礼佛功德若有善男子善女人犯四

重五逆誹謗三寶及犯四波羅夷是

人罪重假使如閻浮提履地變為微

塵一一微塵成於一劫是人若有若干

劫罪穢是一佛名号礼拜者如上等

罪皆悉消滅是人功德不可思議

南无豪相日月光明華寶蓮華聖如

金剛身毗盧遮那无障寻眼圓滿十

方放光照一切佛刹相王如来此佛

名号出十二佛名神呪按量功德除

障滅罪經

集諸經禮懺儀卷上第三十五

南無過現未來十方三世一切佛歸

命懺悔

至心懺悔

如是等一切世界諸佛世尊常住在

世是諸世尊常慈念我憶念我證知

我若我前生從无始生死已來所作

眾罪若自作若教他作見作隨喜若

塔若僧若取四方僧物若自取若教

人取見取隨喜或作五逆无間重罪

若自作若教他作見作隨喜十不善

道自作教他見作隨喜所作罪障或

有覆藏或无覆藏應墮地獄餓鬼畜

生及諸惡趣邊地下賤及弥戾車如

是等處所有罪障今皆懺悔

今諸佛世尊當證知我當憶念我我

復於諸佛世尊前如是言若我此生

若於餘生曾行布施或守淨戒乃至

施與畜生一搏之食或修淨行所有

善根成就眾生所有善根修行菩提

所有善根及无上智所有善根一切

合集計按籌量皆悉迴向阿耨多羅

三藐三菩提如過去未來現在諸佛

所作迴向我亦如是迴向迴向已歸

命礼三寶

眾罪皆懺悔 諸福盡隨喜 及諸佛功德 願成无上智 去來現在佛 於眾生取勝 無量功德海 歸依合掌礼 一切普誦

如來妙色身 世間無與等 無比不思議 是故今敬礼 如來色无盡 智慧亦復然 一切法常住 是故我歸依 降伏心過惡 及以身四種已到難伏地 是故礼法王 知一切余炎智慧身 自在攝持一切法 是故今敬礼 敬礼過 稱量敬礼无辭類 敬礼難思議 哀愍 覆護我今法種增長 此世及後生 願 佛常攝受 摩訶盧訶捺阿羅遮羅多羅莎訶 梵唄 處世界如虛空 如蓮花 不著水 心清淨 起於彼 稽首礼 无上尊 說得呪願 願以此功德 普及於一切 我等與眾生 皆共成佛道 自歸依佛 當願眾生 體解大道 發无上意

自歸依法 當願眾生 深入經藏

智慧如海 自歸依僧 當願眾生 統理大眾 一切無礙 願諸眾生 諸惡莫作 諸善奉行 自淨 其意是 諸佛教和南聖眾 諸眾等各 說无常偈

諸行無常 是生滅法 生滅滅已 寂滅為樂 如來證涅槃 永斷於生死 若能悉聽 常得无量樂 晝夜六時發願文 十方三世諸佛 當證知弟子某甲等 為一切眾生 觀一切三寶 為一切眾 生礼一切三寶 為一切眾生 供養一 切三寶 為一切眾生 於一切三寶前 行道 為一切眾生 於一切三寶懺悔 為一切作佛像 轉經 供養 眾僧 供養 一切眾行 六波羅蜜 四攝 四無量一 切行等 已集一切善根 以此善根 願 令一切三塗眾生 一切貧窮眾生 一 切生老病死眾生 一切獄囚繫閉眾 生 一切破亡流徙眾生 一切不自在 眾生 一切邪見顛倒眾生 等 悉得離

苦解脫 捨邪歸正 發菩提心 永除三 障 常見一切諸佛 菩薩及善知識 恒 聞正法 福智具足 一時作佛

又以此善根 願令一切眾生 皆悉上 品 往生一切淨土 先證无生法 忍然 後度一切眾生

又以此善根 願令一切三寶 一切國 土 常得安樂 恒不破壞 四方寧靜 兵 甲休息 龍王歡喜 風調雨順 五穀熟 成 萬人安樂 礼佛功德 廣大如法界 究竟如虛空 盡未來際 供養一切三 寶 終無有休息 隨意靜默 量時 任唱 初夜 半夜 後夜 午時 平明日 浸唱 靜 六時 礼拜佛法 大綱 晝三夜三 各嚴 持香華 入塔 觀像 默供 養行道 礼佛 平明 及與午時 並別唱 五十三佛 餘 皆摠唱 日暮 初夜 並別唱 三十五佛 餘 皆摠唱 半夜 並別唱 二十五佛 餘 皆摠唱 觀此七階佛 如在目前 思惟 如來 所有功德 應作如是 清淨懺悔 上來 布置 礼佛 綱軌 次第 多少 悉是 故 信行 禪師 依經 自行 此法 於今 徒 眾 亦常 相續 依行 不絕 但以 現无 正

集諸經禮懺儀卷上

文流傳恐欲學者无所依據是以故集此文流通於世願後學者依文讀誦不增不減

佛說三厨經

一氣和太和得一道皆太和乃一無和玄理同玄濟莫將心緣心還莫住絕緣心存莫緣心真則守真淵修利至離心積修不扶離志如修有心已業无已智諸食氣結氣非諸久定結氣隨諸本氣隨取當隨泄亦不求无思意思如有思是法如是持

集諸經禮懺儀卷上

殊

集諸經禮懺儀卷上

校勘記

- 一 底本，金藏廣勝寺本。
- 一 五八三頁中一行經名，**普**作「諸禮佛懺悔文卷上」；**碩**、**南**作「集諸經禮懺悔文卷上」；**徑**、**清**作「集諸經禮懺悔文卷第一」。
- 一 五八三頁中二行撰者，**碩**作「大唐西崇福寺釋智昇撰」；**普**作「大唐釋智昇撰」；**南**、**徑**、**清**作「唐西崇福寺釋智昇撰」。
- 一 五八三頁中四行「人各」，**碩**、**普**、**南**、**徑**、**清**作「各各」。
- 一 五八三頁中八行「供養」，**碩**、**普**、**南**、**徑**、**清**作「供養已」。
- 一 五八三頁中二〇行「滋益」，**碩**、**普**、**南**、**徑**、**清**作「資益」。
- 一 五八三頁中二一行「常見」，**碩**、**普**、**南**、**徑**、**清**作「當見」。
- 一 五八三頁下一五行「寶集」，**碩**、**普**、**南**、**徑**、**清**作「寶勝」。又「寶勝」，**碩**、**普**、**南**、**徑**、**清**作「寶集」。
- 一 五八三頁下一六行「南無……那佛」與一七行「南無……像佛」，**碩**、**普**、**南**、**徑**、**清**互置。
- 一 五八四頁上六行小字「三稱」，**碩**、**普**、**南**、**徑**、**清**無。
- 一 五八四頁上一九行第九字「華」，**碩**、**普**、**南**、**徑**、**清**作「艷」。
- 一 五八四頁上二二行「衆生」，**碩**、**普**、**南**、**徑**、**清**作「衆生悉願」。
- 一 五八四頁中四行末字「四」，**碩**、**普**、**南**、**徑**、**清**作「僧」。
- 一 五八四頁中七行第六字「十」，**碩**、**普**、**南**、**徑**、**清**作「作十」。
- 一 五八四頁中八行第一三字「不」，**碩**、**普**、**南**、**徑**、**清**作「無」。
- 一 五八四頁中一〇行第五字「弥」，**碩**、**普**、**南**、**徑**、**清**作「蔑」。
- 一 五八四頁中二一行首字至末行第一〇字「衆……禮」，**普**、**徑**作長行。又第一二字「請」，**碩**、**普**、**南**、**徑**、**清**作「諸」。

一 五八四頁中末行「一切普誦」，**徑**、

清作夾註，本頁下二二行同。

一 五八四頁下八行首字至一三行末字「自……導」，**磧**、**普**、**徑**作長行。

一 五八四頁下一四行「衆生」，**磧**、**普**、**南**、**徑**、**清**作「諸衆生」；**麗**作「衆等」。

一 五八四頁下一四行第一一字至一八行第二字「今日……爲樂」，**磧**、**普**、**徑**作四言偈文。以下偈文作長行或長行作偈文，時有出現，不再出校。

一 五八四頁下一六行「當其」，**磧**、**普**、**南**、**徑**、**清**、**麗**作「常期」。

一 五八四頁下二〇行「一卷」，**南**、**徑**、**清**無。

一 五八五頁上一〇行「無優」，**麗**作「無優德」；**磧**、**普**、**南**、**徑**、**清**作「無憂德」。

一 五八五頁上一一行第七字「功」，**磧**、**普**、**南**、**徑**、**清**無。

一 五八五頁上末行「寶塔」，**磧**、**普**、

南、**徑**、**清**、**麗**作「廟塔」。

一 五八五頁中一八行「諸黑」，**磧**、**普**、**南**、**徑**、**清**作「悔諸」。

一 五八五頁下一八行第二字「計」，**磧**、**普**、**南**、**徑**、**清**作「繼」。又「衆等」，**磧**、**普**、**南**、**徑**、**清**作「衆等衆等」。又「某甲」，**磧**、**普**、**南**、**徑**、**清**、**麗**作「某日」。

一 五八六頁上一〇行第四字「當」，**磧**、**普**、**南**、**徑**、**清**、**麗**作「又當」。

一 五八六頁上一八行首字「乘」，**磧**、**普**、**南**、**徑**、**清**、**麗**作「垂」。

一 五八六頁中四行第五字「如」，**磧**、**普**、**南**、**徑**、**清**作「人」。

一 五八六頁中六行「爲藥」，**磧**、**普**、**南**、**徑**、**清**作「良藥」。

一 五八六頁中一〇行首字「清」，**磧**、**普**、**南**、**徑**、**清**作「性」。

一 五八六頁下一行第四字「性」，**磧**、**普**、**南**、**徑**、**清**作「唯」。

一 五八六頁下七行末字「持」，**磧**、**普**、**南**、**徑**、**清**、**麗**作「誓」。

一 五八六頁下一二行第一二字「頗」，**磧**、**普**、**南**、**徑**、**清**、**麗**作「巨」。

一 五八六頁下一三行首字「悲」，**麗**作「非」。

一 五八六頁下一六行「坦然」，**磧**、**普**、**南**、**徑**、**清**作「恒正」。

一 五八六頁下末行第七字「靜」，**磧**、**普**、**南**、**徑**、**清**作「淨」。

一 五八七頁上八行「凡世」，**磧**、**普**、**南**、**徑**、**清**、**麗**作「凡心」。

一 五八七頁上一〇行末字「仁」，**磧**、**普**、**南**、**徑**、**清**、**麗**作「人」。

一 五八七頁上一三行末字「明」，**磧**、**普**、**南**、**徑**、**清**作「冥」。

一 五八七頁中三行「見性皈」，**磧**、**普**、**南**、**徑**、**清**作「現性般」；**麗**作「見性會」。

一 五八七頁中九行第一二字「悞」，**磧**作「悟」。

一 五八七頁中一七行「文殊」，**普**、**南**、**徑**、**清**作「一文殊」。又末字「佛」，

磧、**普**、**南**、**徑**、**清**、**麗**作「佛文」。

一 五八七頁下六行末字「觀」，**磧**、**普**、**南**、**徑**、**清**作「觀諸佛虛空相虛空亦無相 離諸因果故 敬禮無所觀」。

一 五八七頁下七行「世故」，**磧**、**普**、**徑**、**清**作「世間」。

一 五八七頁下一四行第五字「忘」，**磧**、**普**、**南**、**徑**、**清**、**麗**作「妄」。

一 五八七頁下二二行「妄執」，**磧**、**普**、**南**、**徑**、**清**作「虛妄」。

一 五八八頁上三行「遠長」，**磧**、**普**、**南**、**徑**、**清**作「遠長」。

一 五八八頁上五行「法界」，**麗**作「法界諸佛」。

一 五八八頁中一九行「成等」，**磧**、**普**、**南**、**徑**、**清**作「等成」。

一 五八八頁下五行末字「海」，至此，**徑**、**清**卷第一終，卷第二始。

一 五八八頁下六行「此即讚西方禮阿彌陀佛文」，**磧**、**南**作夾註；**徑**、**清**無。

一 五八八頁下七行末字「佛」，**徑**、**清**

作「佛」并夾註「此即讚西方禮阿彌陀佛文」。

一 五八九頁上六行「食時」，**磧**、**普**、**南**、**徑**、**清**作「睡時」。

一 五八九頁上一五行第九字「于」，**磧**、**普**、**南**、**徑**、**清**作「素」。

一 五八九頁上一七行「等若」，**麗**作「猶若」。又第一二字「施」，**磧**、**普**、**南**、**徑**、**清**作「旋」。

一 五八九頁中一〇行末字「成」，**磧**、**普**、**南**、**徑**、**清**作「城」。

一 五八九頁中一一行「寶縵」，**麗**作「寶幔」。

一 五八九頁下五行「以望」，**磧**、**普**、**南**、**徑**、**清**作「已得」；**麗**作「已滿」。

一 五八九頁下八行「王手」，**磧**、**普**、**南**、**徑**、**清**作「玉手」。又「菩薩」，**磧**、**普**、**南**、**徑**、**清**作「接引」；**麗**作「普接」。

一 五八九頁下一〇行首字「至」，**普**

無。

一 五八九頁下二〇行「真前」，**麗**作

「前真」。

一 五九〇頁上五行「至心」，**普**作「志心」。

一 五九〇頁上八行第七字「取」，**磧**、**普**、**南**、**徑**、**清**作「聚」。

一 五九〇頁上九行「證小真」，**磧**、**普**、**南**、**徑**、**清**作「增小身」。

一 五九〇頁上二〇行第三字「樂」，**磧**、**普**、**南**、**徑**、**清**作「諦」。

一 五九〇頁上二二行「念食」，**磧**、**普**、**南**、**徑**、**清**作「念佛」。

一 五九〇頁中一八行首字「命」，**磧**、**普**、**徑**作「命禮」。

一 五九〇頁下四行第五字「偈」，**磧**、**普**、**南**、**徑**、**清**、**麗**作「此偈已」。

一 五九〇頁下末行第五字「元」，**麗**作「无」。

一 五九一頁上一五行「魔鄉」，**磧**、**普**、**南**、**徑**、**清**作「魔鄉輪迴」。

一 五九一頁上一七行「生平」，**磧**、**普**、**南**、**徑**、**清**作「生年」。

一 五九一頁中七行第六字「天」，**磧**、

- 一 五九二頁中一行第五字「光」，
〔南、徑、清、麗無。〕
- 一 五九二頁上一二行「帝王」，
〔麗作「九句」。〕
- 一 五九二頁下一六行第五字「九」，
〔麗作「九句」。〕
- 一 五九三頁上九行第五字「水」，
〔徑、清作「水八德」。〕
- 一 五九三頁上一〇行「弥勒」，
〔徑、清作「弥陀」。〕
- 一 五九三頁中一〇行「煎香」，
〔南、徑、清作「箋香」。〕
- 一 五九三頁中一二行「白膠」，
〔南、徑、清作「白交」。〕
- 一 五九三頁中一三行「香浮子」，
〔南、徑、清、麗作「香附子」。又

- 正文第九字至次行第四字「禱……
：之」與一四行「白檀香一兩」，
〔南、徑、清、麗互置。〕
- 一 五九三頁中一八行首字至二一行
末字「戒……滅」與二二行「願佛
開微密，廣為衆生說」，
〔南、徑、清互置。〕
- 一 五九三頁中二一行「寂滅」，
〔南、徑、清作「寂滅一切衆生亦如
是」。〕
- 一 五九三頁下八行第五字「軍」，
〔南、徑、清作「幢寶光」。〕
- 一 五九三頁下九行第四字「積」，
〔南、徑、清作「炎」。又第八字
「寶」，
〔南、徑、清作「寶華」。〕
- 一 五九三頁下二一行「紅炎」，
〔南、徑作「紅炎帝」。〕
- 一 五九三頁下末行末字「步」，
〔南、徑、清、麗作「步佛」。〕
- 一 五九四頁上二行第四字「蓮」，
〔南、徑、清無。〕
- 一 五九四頁上三行「娑羅」，
〔南、徑、清無。〕

- 羅」。
- 一 五九四頁上一二行第六字「鏡」，
〔南、徑、清、麗作「敬」。〕
- 一 五九四頁上一五行小字「三稱」，
〔南、徑、清無。〕
- 一 五九四頁上末行第三字「無」，
〔南、徑、清無。〕
- 一 五九四頁中四行第三字「日」，
〔麗作「日月」。〕
- 一 五九四頁中一七行「如上」，
〔南、徑、清作「是上」。〕
- 一 五九四頁中一九行第九字「華」，
〔南、徑、清作「艷」。〕
- 一 五九四頁下一行第一三字「佛」，
〔南、徑、清、麗作「諸佛」。〕
- 一 五九四頁下五行第六字「常」，
〔南、徑、清、麗作「當」。又「憶念
我證知」，
〔麗作「當憶念我當證知」。〕
- 一 五九四頁下一三行「弥戾車」，
〔南、徑、清作「箋戾車」。〕
- 一 五九四頁下一四行「所有」，
〔南、徑、清作「所作」。〕

- 一 五九四頁下一六行「如是」，**碩、普、南、徑、清、麗**作「作如是」。
- 一 五九五頁上四行「歸依合掌禮」，**徑、清**作「我今歸命禮」。
- 一 五九五頁上一二行第九字「禮」，**碩、普、南、徑、清、麗**作「禮無邊德敬禮」。
- 一 五九五頁中五行第二字「諸」，**碩、普、南、徑、清**作「請」。
- 一 五九五頁中一行「晝夜」，**普**作「晝夜」。
- 一 五九五頁中一二行第九字「知」，**碩、普、南、徑、清**無。
- 一 五九五頁中一六行「三寶」，**碩、普、南、徑、清**作「三寶前」。
- 一 五九五頁中二〇行「三塗」，**碩、普、南、徑、清**作「三塗地獄」。
- 一 五九五頁下八行「安樂」，**碩、普、南、徑、清**作「安隱」。
- 一 五九五頁下一〇行「万人」，**碩、普、南、徑、清**作「萬民」。
- 一 五九五頁下二〇行「應作」，**碩、普、**

- 一 **南、徑、清、麗**作「廣作」。
- 一 五九五頁下二二行第一三字「今」，**碩、普、南、徑、清**作「令」。
- 一 五九六頁上四行至一一行「佛說三厨經……是法如是持」，**碩、普、南、徑、清**無。
- 一 五九六頁上卷末經名，**徑、清**作「集諸經禮懺悔文卷第二」。



集諸經禮懺儀卷下

英

大唐西崇福寺沙門智昇撰

往生禮讚偈一卷 比丘善導集記

勸一切眾生願生西方極樂世界阿

彌陀佛國 六時禮讚偈謹依大乘

經及龍樹天親此土沙門等所造往

生禮讚集在一處分作六時唯欲相

續係心助成往益亦願曉悟未聞遠

沾遐代耳何者

第一依釋迦及十方諸佛讚歎彌陀

十二光名勸稱禮念定生彼國十九

拜當日沒時禮

第二謹依大乘經採集要文以為禮

讚偈二十三拜當初夜時禮

第三依龍樹菩薩願往生禮讚偈十

六拜當中夜時禮

第四依天親菩薩願往生禮讚偈二

十拜當後夜時禮

第五依善導法師願往生禮讚偈二

十二拜當辰朝時禮

第六僧善導願往生禮讚偈依十六

觀作二十拜當午時禮

集諸經禮懺儀卷下 第三 英字號

問曰今欲勸人往生者未知若為安心起行作業定得往生彼國土也答曰必欲生彼國土者如觀經說先具三心必得往生何者為三一者至誠心所謂身業禮拜彼佛口業讚歎稱揚彼佛意業專念觀察彼佛凡起三業必須真實故名至誠心二者深心即是真實信心信知自身是具足煩惱凡夫善根薄少流轉三界不出火宅今信知彌陀本願誓願及稱名号下至十聲聞等定得往生乃至一念无有疑心故名深心三者迴向發願心所作一切善根悉皆迴願往生故名迴向發願心具此三心必得生也若少一心即不得生如觀經具說應知又如天親淨土論云若有願生彼國者勸修五念門五門若具定得往生何者為五一者身業禮拜門所謂一心專至恭敬合掌香華供養禮拜彼阿彌陀佛禮即專禮彼佛畢命為期不雜餘禮故名禮拜門二者口業讚歎門所謂專憶讚歎彼佛身相光明一切聖眾身相光明及

集諸經疏卷下第三張黃

彼國中一切寶莊嚴光明等故名讚歎門

三者意業憶念觀察門所謂專意念

觀彼佛及一切聖眾身相光明國土莊嚴等如觀經說唯除睡時恒憶恒

念恒想恒觀此事等故名觀察門

四者作願門所謂專心若晝若夜一切時一切處三業四威儀所作功德

不問初中後皆須真實心中發願願生彼國故名作願門

五者迴向門所謂專心自作善根及一切三乘五道一一聖凡等所作善

根深生隨喜如諸佛菩薩所作隨喜

我亦如是隨喜以此隨喜善根及已所作善根皆悉與眾共之迴向彼

國故名迴向門

又到彼國已得六神通迴入生死教化眾生成後際必無厭足乃至成

佛亦名迴向門五門既具定得往生一一門與上三心合隨起業行不問

多少皆名真實業也應知

又觀行四修法用策三心五念之行速得往生何者為四

集諸經疏卷下第三張黃

一者恭敬修恭敬禮拜彼佛及彼一切聖眾等故名恭敬修畢命為期誓不中止即是長時修

二者無餘修所謂專稱彼佛名專念專想專禮專讚彼佛及一切聖眾等

不雜餘業故名無餘修畢命為期誓不中止即是長時修

三者無間修所謂相續恭敬禮拜稱名讚歎憶念觀察迴向發願心心相續不以餘業來間故名無間修又不

以貪瞋煩惱來間隨犯隨懺不令隔念隔時隔日常使清淨亦名無間修

畢命為期誓不中止即是長時修

又菩薩已勉生死所作善法迴求佛果即是自利教化眾生成盡未來際即是利他然今時眾生悉煩惱繫縛未

勉惡道生死等苦隨緣起行一切善根且速迴願往生彌陀佛國到彼國

已更無所畏如上四修自然任運自利利他無不具足應知 又如文

殊波若云欲明一行三昧唯勸獨處空閑捨諸亂意係心一佛不觀相貌

專稱名字即於念中得見彼阿彌陀

集諸經疏卷下第三張黃

佛及一切佛等問曰何故不令作觀直遣專稱名字者有何意也

答曰乃由眾生障重境細心廣識颺神飛觀難成就是以大聖悲憐直勸

專稱名字正由稱名易故相續即生問曰既遣專稱一佛何故境現即多

此豈非邪正相交一多雜現也 答曰佛佛齊證形无二別縱使念一

見多乖何大道現也 又如觀經云行觀坐觀禮念等皆須面向西方者

寂勝如樹先傾倒必隨曲故必有事尋不及向西者但作向西想亦得

問曰一切諸佛三身同證悲智果圓亦應无二隨方禮念課稱一佛亦應

得生何故偏歎西方勸專禮念等有

何義也 答曰諸佛所證平等是一若以願行來取非無因緣然彌陀

世尊本發深重誓願願以光明名号攝化十方但使信心求念上盡一形

下至十聲一聲等以佛願力易得往生是故釋迦及以諸佛勸向西方為

別異亦非是稱念餘佛不能障滅罪也應知若能如上念念相續畢命為

期十即十生百即百生何以故無外
雜緣得正念故與佛本願得相應故
不違教故隨順佛語故若欲捨專修
雜業者百時希得一二千時希得五
三何以故乃由雜緣亂動失念故與
佛本願不相應故與教相違故不順
佛語故係念不相續故憶想間斷故
迴願不殷重真實故貪瞋諸見煩惱
來間斷故无有慚愧懺悔心故懺悔
有三品一要二略三廣如下具說隨
意用皆得 又不相續念報彼佛因
故心生輕慢雖作業行常與名利相
應故人我自覆不親近同行善知識
故樂近雜緣自障障他往生正行故
何以故介比自見聞諸方道俗解行
不同專修有異但使專意作者十即
十生修雜不至心者十中无十此二
行得失如前已弁仰願一切往生人
等善自思量已得今身願生彼國者
行住坐卧必須勵心剋己晝夜莫廢
畢命為期止在一形似如少苦前念
命終後念即生彼國長時未劫常受
無為法樂乃至成佛不經生死豈非

快哉應知

第一佛勸禮讚阿彌陀佛十二光名
求願往生一十九拜當日没時禮取
中下懺悔亦得南無釋迦牟尼佛等
一切三寶我今稽首禮迴願往生无
量壽國
此之一佛現是今時道俗等師言三
寶者即是福田無量若能禮之一拜
即是念報師恩以成已行以斯一行
迴願往生
南無十方三世盡虛空遍法界微塵
刹土中一切三寶我今稽首禮迴願
往生無量壽國然十方虛空無邊三
寶无盡若禮一拜即是福田无量功
德無窮能至心禮之一拜一一佛上
一一法上一一菩薩聖僧上一一舍
利上皆得身口意業解脫分善根來
資益行者以成已業以斯一行迴願
往生
南無西方極樂世界阿彌陀佛願共
眾生咸歸命故我頂禮生彼國
問曰何故号为阿彌陀 答曰彌陀
經及觀經云彼佛光明无量照十方

國无所障導唯覓念佛眾生攝取不
捨故名阿彌陀佛彼佛壽命及其人
民無量无边阿彌陀故故名阿彌陀
又釋迦佛及十方佛讚歎阿彌陀光明
有十二種名普勸眾生稱名禮拜相
續不斷者現世得无量功德命終之
後定得往生如无量壽經說云其有
眾生遇斯光者三垢消滅身意柔爽
歡喜踊躍善心生焉若在三塗勤苦
之處見此光明无復苦惱壽終之後
皆蒙解脫无量壽佛光明顯赫照曜
十方諸佛國土莫不聞焉不但我今
稱其光明一切諸佛聲聞緣覺諸菩
薩眾咸共歎譽亦復如是若有眾生
聞其光明威神功德日夜稱說至心
不斷者隨其所願得生其國常為諸
菩薩聲聞之眾所共歎譽稱其功德
佛言我說无量壽佛光明威神巍巍
殊妙晝夜一劫尚不能盡
白諸行者當知彌陀身相光明輝如
如來一劫說不能盡者如觀經云一
一光明遍照十方世界念佛眾生攝取
不捨今既經觀有如此不思議增上

勝緣攝護行者何不相續稱觀礼念
願往生也應知

集註無禮儀卷下 第九張 庚字字

南無西方 極樂世界 無量光佛
願共衆生咸歸命故我頂礼生彼國
南無西方 極樂世界 无边光佛
願共衆生咸歸命故我頂礼生彼國
南無西方 極樂世界 無礙光佛
願共衆生咸歸命故我頂礼生彼國
南無西方 極樂世界 无對光佛
願共衆生咸歸命故我頂礼生彼國
南無西方 極樂世界 光焰王佛
願共衆生咸歸命故我頂礼生彼國
南無西方 極樂世界 清淨光佛
願共衆生咸歸命故我頂礼生彼國
南無西方 極樂世界 歡喜光佛
願共衆生咸歸命故我頂礼生彼國
南無西方 極樂世界 智慧光佛
願共衆生咸歸命故我頂礼生彼國
南無西方 極樂世界 不断光佛
願共衆生咸歸命故我頂礼生彼國
南無西方 極樂世界 難思光佛
願共衆生咸歸命故我頂礼生彼國
南無西方 極樂世界 无稱光佛

願共衆生咸歸命故我頂礼生彼國
南無西方 極樂世界 超日月光佛

集註無禮儀卷下 第十張 庚字字

南無西方 極樂世界 阿弥陀佛
哀愍覆護我令法種增長此世及後
生願佛常攝受願共衆生咸歸命故
我頂礼生彼國
南無西方極樂世界觀世音菩薩願
共衆生咸歸命故我頂礼生彼國
南無西方極樂世界大勢至菩薩願
共衆生咸歸命故我頂礼生彼國
此二菩薩一切衆生臨命終時共持
華鬘授與行者阿弥陀佛放大光明
照行者身復與無數化佛菩薩眷聞
大衆等一時授手如彈指頃即得往
生為報恩故至心礼之一拜
南無西方 極樂世界 諸菩薩
清淨大海衆願共衆生咸歸命故我
頂礼生彼國
此等諸菩薩亦隨佛來迎接行者為
報恩故至心礼之一拜
普為師僧父母及善知識法界衆生
断除三障同得往生阿弥陀佛國歸

命懺悔
至心懺悔

集註無禮儀卷下 第十一張 庚字字

南無歸懺十方佛 願滅一切諸罪根
今將久近所修善 迴作自他安樂因
恒願一切臨終時 勝緣勝境悉現前
願觀阿弥大悲主 觀音勢至十方尊
仰唯神光蒙授手 乘佛願力生彼國
懺悔迴向發願已 至心歸命阿弥陀佛
次作梵 說偈發願 出寶性論
礼懺諸功德 布施諸有情 願臨命終時 見无量壽佛
无边功德身 我及餘信者 既見彼佛已
願得離垢眼 往生安樂國 成无上菩提
礼懺已一切恭敬
歸佛得菩提 道心恒不退 歸法薩婆若
得大懺持門 歸僧息諍論 同入和合海
迴願往生 无量壽國 願諸衆生
三業清淨 奉持佛教 和南一切賢聖
迴願往生 無量壽國 諸衆等聽 說黃昏偈
人間念念營衆務 不覺年命日夜去
如燈風中滅難期 忙忙六道无定趣
未得解脫出苦海 云何安然不驚懼
各聞强健有力時 自策自勵求常住
說此偈已更當心口發願願弟子臨

命終時心不顛倒心不錯亂心不失
念身心无諸苦痛身心安隱快樂如
入禪定聖眾現前乘佛本願上品往
生阿彌陀佛國到彼已得大神通迴
入十方界救攝普眾生虚空法界盡
我願亦如是發願已至心歸命礼阿
彌陀佛初夜偈云
煩惱深无底 生死海無邊 度苦船未立
云何樂睡眠 勇猛勤精進 攝心常在禪
勤修六度行 菩提道自然
中夜偈云
汝起勿抱身身卧 種種不淨假名人
如得重病箭入體 眾苦痛集安可眠
後夜偈云
時光遷流轉 忽至五更初 無常念念至
恒與死王居 勸諸行道者 勤修至无餘
平且偈云
欲求寂滅樂 當學沙門法 衣食支身命
精廣隨眾等
諸眾等今日晨朝各記六念
日中偈云
人生不精進 喻若樹無根 採華置日裏
能得幾時鮮 人命亦如是 无常須臾間

勸諸行道眾 勤修乃至真
第二比丘善導謹依大乘經採集要
文以為讚偈二十三拜當初夜時礼
懺悔同前後
至心歸命礼 西方阿彌陀佛 彌陀智願海
深廣无涯底 聞名欲往生 皆悉到彼國
願共諸眾生 往生安樂國
至心歸命礼 西方阿彌陀佛 於此世界中
六十有七億 不退諸菩薩 皆當得生彼
願共諸眾生 往生安樂國
至心歸命礼 西方阿彌陀佛 小行諸菩薩
及修少福者 其數不可計 皆當得生彼
願共諸眾生 往生安樂國
至心歸命礼 西方阿彌陀佛 十方佛剎中
菩薩比丘眾 窮劫不可計 皆當得往生
願共諸眾生 往生安樂國
至心歸命礼 西方阿彌陀佛 一切諸菩薩
各賣天妙華 寶香无價衣 供養彌陀佛
願共諸眾生 往生安樂國
至心歸命礼 西方阿彌陀佛 感然奏天樂
暢發和雅音 歌歎取勝尊 供養彌陀佛
願共諸眾生 往生安樂國
至心歸命礼 西方阿彌陀佛 慧日照世間

消除生死雲 恭敬遠三逆 稽首弥陀佛
願共諸眾生 往生安樂國
至心歸命礼 西方阿彌陀佛 見彼嚴淨土
微妙難思議 因發无上心 願我國亦然
願共諸眾生 往生安樂國
至心歸命礼 西方阿彌陀佛 應时无量尊
動容發欣笑 口出無數光 遍照十方國
願共諸眾生 往生安樂國
至心歸命礼 西方阿彌陀佛 迴光圓遶身
三匝從頂入 一切天人眾 踴躍皆歡喜
願共諸眾生 往生安樂國
至心歸命礼 西方阿彌陀佛 梵聲如雷震
八音暢妙響 十方來正士 吾悉知彼願
願共諸眾生 往生安樂國
至心歸命礼 西方阿彌陀佛 至彼嚴淨土
便速得神通 必於无量尊 受記成等覺
願共諸眾生 往生安樂國
至心歸命礼 西方阿彌陀佛 奉事億如來
飛化遍諸刹 恭敬歡喜去 還到安養國
願共諸眾生 往生安樂國
至心歸命礼 西方阿彌陀佛 若入无善本
不得聞佛名 憍慢弊懈怠 難以信此法
願共諸眾生 往生安樂國

集諸經禮懺儀卷下 第七十號 英字五

至心歸命礼西方阿弥陀佛 宿世見諸佛
 則能信此事 謙敬聞奉行 踊躍大歡喜
 願共諸眾生 往生安樂國

至心歸命礼西方阿弥陀佛 其有得聞彼
 弥陀佛名号 歡喜至一心 皆當得生彼
 願共諸眾生 往生安樂國

至心歸命礼西方阿弥陀佛 設滿大千大
 直過聞佛名 聞名歡喜讚 皆當得生彼
 願共諸眾生 往生安樂國

至心歸命礼西方阿弥陀佛 万年三寶滅
 此經住百年 尔時聞一念 皆當得生彼
 願共諸眾生 往生安樂國

至心歸命礼西方阿弥陀佛 佛世甚難值
 人有信惠難 遇聞希有法 此復最為難
 自信教人信 難中轉更難 大悲弘普化
 真成報佛恩 願共諸眾生 往生安樂國

至心歸命礼西方阿弥陀佛 哀慈覆護我
 今法種增長 此世及後生 願佛常攝受
 願共諸眾生 往生安樂國

至心歸命礼西方阿弥陀佛 觀世音菩薩
 願共諸眾生 往生安樂國

至心歸命礼西方阿弥陀佛 大勢至菩薩
 願共諸眾生 往生安樂國

集諸經禮懺儀卷下 第七十六號 英字五

至心歸命礼西方阿弥陀佛 諸菩薩
 清淨大海泉 願共諸眾生 往生
 安樂國

普為師僧父母善知識法界眾生斷
 除三障同得往生阿弥陀佛國歸命
 懺悔

第三依龍樹菩薩願生礼讚偈一十
 六拜當中夜時礼懺悔同前後

至心歸命礼西方阿弥陀佛
 稽首天人所恭敬 阿弥陀佛兩足尊
 在彼微妙安樂國 无量佛子眾圍遶
 故我頂礼弥陀佛 願共諸眾生 往生
 安樂國

至心歸命礼西方阿弥陀佛
 金色身淨如山王 奢摩他行如象步
 兩目淨若青蓮花 故我頂礼弥陀佛
 願共諸眾生 往生安樂國

至心歸命礼西方阿弥陀佛
 面善圓淨如滿月 威光猶如百千日
 聲若天鼓俱翅羅 故我頂礼弥陀佛
 願共諸眾生 往生安樂國

至心歸命礼西方阿弥陀佛
 觀音頂戴冠中住 種種妙相寶莊嚴

集諸經禮懺儀卷下 第七十七號 英字五

能伏外道魔憍慢 故我頂礼弥陀佛
 願共諸眾生 往生安樂國

至心歸命礼西方阿弥陀佛
 無比无垢廣清淨 眾德皎潔如虛空
 所作利益得自在 故我頂礼弥陀佛
 願共諸眾生 往生安樂國

至心歸命礼西方阿弥陀佛
 十方名聞菩薩眾 无量諸魔常讚歎
 為諸眾生願力住 故我頂礼弥陀佛
 願共諸眾生 往生安樂國

至心歸命礼西方阿弥陀佛
 金底寶澗池生華 善根所成妙臺座
 於彼座上如山王 故我頂礼弥陀佛
 願共諸眾生 往生安樂國

至心歸命礼西方阿弥陀佛
 十方所來諸佛子 顯現神通至安樂
 瞻仰尊顏常恭敬 故我頂礼弥陀佛
 願共諸眾生 往生安樂國

至心歸命礼西方阿弥陀佛
 諸有無常无我等 亦如水月電影露
 為眾說法無名字 故我頂礼弥陀佛
 願共諸眾生 往生安樂國

至心歸命礼西方阿弥陀佛

彼尊佛刹无惡名 亦无女人惡道怖
 衆入至心敬彼尊 故我頂礼弥陀佛
 願共諸衆生 往生安樂國
 至心歸命礼 西方阿弥陀佛
 彼尊无量方便境 無有諸趣惡知識
 往生不退至菩提 故我頂礼弥陀佛
 願共諸衆生 往生安樂國
 至心歸命礼 西方阿弥陀佛
 我說彼尊功德事 衆善无边如海水
 所作善根清淨者 迴施衆生彼土
 願共諸衆生 往生安樂國
 至心歸命礼
 哀愍覆護我
 今法種增長
 願佛常攝受
 此世及後生
 願共諸衆生
 往生安樂國
 至心歸命礼
 觀世音菩薩
 願共諸衆生
 往生安樂國
 至心歸命礼
 大勢至菩薩
 願共諸衆生
 往生安樂國
 至心歸命礼
 清淨大海衆
 願共諸衆生
 西方極樂世界諸菩薩
 願共諸衆生

往生安樂國

傳持此禮懺儀卷下 第五十五字

普為師僧父母及善知識法界衆生
 斷除三障同得往生阿弥陀佛國
 命懺悔至心懺悔自從無始受身來
 恒以十惡加衆生不孝父母謗三寶
 造作五逆不善業以是衆罪因緣故
 妄想顛倒生纏縛應受无量生死苦
 頂礼懺悔願滅除懺悔已至心歸命
 礼阿弥陀佛
 至心勸請諸佛大慈无上尊恒以空
 慧照三界衆生盲冥不覺知永沉生
 死大苦海為拔群生離諸苦勸請常
 住轉法輪勸請已至心歸命礼阿弥
 陀佛
 至心隨喜歷劫已來懷嫉妬我慢放
 逸由癡生恒以瞋恚毒害火焚燒智
 慧慈善根今日思惟始悟發大精
 進隨喜心隨喜已至心歸命礼阿弥
 陀佛
 至心迴向流浪三界內癡愛人胎獄
 生已歸去死沉沒於苦海我今修此
 福迴生安樂土迴向已至心歸命阿
 弥陀佛

集諸經禮懺儀卷下 第五十六字

至心發願願捨胎藏形往生安樂國
 速見弥陀佛无边功德身奉觀諸如
 來賢聖亦復然獲六神通力救攝苦
 衆生虛空法界盡我願亦如是發願
 已至心歸命阿弥陀佛餘衆同
 第四依天親菩薩願往生讚偈二十
 拜當後夜時礼懺悔同前後
 至心歸命礼 西方阿弥陀佛 世尊我一心
 歸命盡十方無身光如來願生安樂國
 至心歸命礼 西方阿弥陀佛 觀彼世界相
 勝過三界道 究竟如虛空 廣大无边際
 願共諸衆生 往生安樂國
 至心歸命礼 西方阿弥陀佛 正道大慈悲
 出世善根生 淨光明滿足 如鏡日月輪
 願共諸衆生 往生安樂國
 至心歸命礼 西方阿弥陀佛 備諸珍寶性
 具足妙莊嚴 無垢光焰熾 明淨曜世間
 願共諸衆生 往生安樂國
 至心歸命礼 西方阿弥陀佛 寶華千万種
 彌覆池流泉 微風動花葉 交錯光乱轉
 願共諸衆生 往生安樂國
 至心歸命礼 西方阿弥陀佛 宮殿諸樓閣
 觀十方無身 雜樹異光色 寶欄遍圍繞

集諸禮懺儀卷下 第七十四 共字

願共諸衆生 往生安樂國
 至心歸命禮 西方阿彌陀佛 無量寶交絡
 羅網遍虛空 種種鈴發響 宣吐妙法音
 願共諸衆生 往生安樂國
 至心歸命禮 西方阿彌陀佛 梵音悟深遠
 微妙聞十方 正覺阿彌陀 法王善住持
 願共諸衆生 往生安樂國
 至心歸命禮 西方阿彌陀佛 如來淨華衆
 正覺花化生 愛樂佛法味 禪三昧為食
 願共諸衆生 往生安樂國
 至心歸命禮 西方阿彌陀佛 永離身心惱
 受樂常無間 大乘善根界 等無譏嫌名
 願共諸衆生 往生安樂國
 至心歸命禮 西方阿彌陀佛 女人及根瓊
 二乘種不生 衆生所願樂 一切能滿足
 願共諸衆生 往生安樂國
 至心歸命禮 西方阿彌陀佛 無量天寶主
 微妙淨花臺 相好光一尋 色像起群生
 願共諸衆生 往生安樂國
 至心歸命禮 西方阿彌陀佛 天人不動衆
 清淨智海王 如須彌山王 勝妙無過者
 願共諸衆生 往生安樂國
 至心歸命禮 西方阿彌陀佛 天人丈夫衆

集諸禮懺儀卷下 第七十五 共字

恭敬遶瞻仰 雨天樂花衣 妙香等供養
 願共諸衆生 往生安樂國
 至心歸命禮 西方阿彌陀佛 安樂國清淨
 常轉無垢輪 一念及一時 利益諸群生
 願共諸衆生 往生安樂國
 至心歸命禮 西方阿彌陀佛 讚佛諸功德
 無有分別心 能令速滿足 功德大寶海
 願共諸衆生 往生安樂國
 至心歸命禮 西方阿彌陀佛 哀愍覆護我
 令法種增長 此世及後生 願佛常攝受
 願共諸衆生 往生安樂國
 至心歸命禮 西方極樂世界 觀世音菩薩
 願共諸衆生 往生安樂國
 至心歸命禮 西方極樂世界 大勢至菩薩
 願共諸衆生 往生安樂國
 至心歸命禮 西方極樂世界 諸菩薩
 清淨大海衆 願共諸衆生 往生安樂國
 普為師僧父母及善知識 法界衆生
 斷除三障 同得往生 阿彌陀佛 國歸
 命懺悔
 第五依彥琮法師願往生禮讚偈二
 十二拜當且起時禮 懺悔同前後
 至心歸命禮 西方阿彌陀佛 法藏因彌遠

集諸禮懺儀卷下 第七十六 共字

極樂果還深 異珍衆作地 衆寶間為林
 花開希有色 波揚寶和音 何當蒙授手
 一遂往生心 願共諸衆生 往生安樂國
 至心歸命禮 西方阿彌陀佛 濁世難還入
 淨土願逾深 金繩直界道 珠網縵垂林
 見色皆真色 聞音悉法音 莫謂西方遠
 唯須十念心 願共諸衆生 往生安樂國
 至心歸命禮 西方阿彌陀佛 已成窮理聖
 真有遍空威 在西時現小 俱是覺隨機
 茶珠相映飾 沙水共澄輝 欲得无生早
 彼土必須依 願共諸衆生 往生安樂國
 至心歸命禮 西方阿彌陀佛 五山臺獨朗
 寶手印恒分 地水俱為鏡 香華同作雲
 業深成易往 因淺實難聞 必望除疑惑
 超然獨不群 願共諸衆生 往生安樂國
 至心歸命禮 西方觀世音菩薩
 千輪明足下 五道現光中 悲引恒无絕
 人歸亦未窮 口宣猶在定 心靜更飛通
 聞名皆願往 日發幾花葉 願共諸衆生
 往生安樂國
 至心歸命禮 西方大勢至菩薩
 慧力樹無上 身光備有緣 動搖諸寶國
 侍坐一金蓮 鳥群非寶鳥 天類豈真天

須知求妙樂 會是戒香全 願共諸眾生 往生安樂園

至心歸命禮 西方阿彌陀佛 心帶真慈滿

光合法界圓 無緣能攝物 有想定非難

華隨本心變 宮移身自安 怖聞出世境

須共入禪看 願共諸眾生 往生安樂園

至心歸命禮 西方阿彌陀佛 迴向漸為功

西方路稍通 寶幢承厚地 天香入遠風

開華重布水 覆網細分空 願生何意切

正為樂無窮 願共諸眾生 往生安樂園

至心歸命禮 西方阿彌陀佛 欲還當生處

西方寂可歸 間樹開重閣 滿道布鮮衣

香飯隨心至 寶殿逐身飛 有緣皆得入

只是去人希 願共諸眾生 往生安樂園

至心歸命禮 西方阿彌陀佛 十劫道先成

嚴界引群萌 金沙徹水照 玉葉滿枝明

鳥本珠中出 人唯華上生 敢請西方聖

早晚定相迎 願共諸眾生 往生安樂園

至心歸命禮 西方阿彌陀佛 十方諸佛國

盡是法王家 備求有緣地 莫得早無邪

八功如意水 七寶自然華 於彼心能係

當必往非賒 願共諸眾生 往生安樂園

至心歸命禮 西方阿彌陀佛 淨國無衰變

一立古今然 光臺不寶合 音樂八風宣 池多說法鳥 空滿散花天 得生不畏退

隨意晚開蓮 願共諸眾生 往生安樂園

至心歸命禮 西方阿彌陀佛 坐華非一像

聖眾亦難量 蓮開人獨處 波生法自揚

無災由處靜 不退為朋良 問彼前生輩

來斯幾劫強 願共諸眾生 往生安樂園

至心歸命禮 西方阿彌陀佛 光舒救毗舍

官立引羣提 天來香蓋捧 人去寶衣賚

六時聞鳥合 四寸踐華徑 相看无不正

豈復有長迷 願共諸眾生 往生安樂園

至心歸命禮 西方阿彌陀佛 普為引三福

咸令滅五燒 發心功已至 係念罪便消

鳥化珠光轉 風好樂聲調 俱忻行道易

寧愁聖眾遙 願共諸眾生 往生安樂園

至心歸命禮 西方阿彌陀佛 珠色仍為水

金光即是臺 到時華自散 隨願薰還開

遊池更出沒 飛空亦往來 真心能向彼

有善併須迴 願共諸眾生 往生安樂園

至心歸命禮 西方阿彌陀佛 洗心甘露水

悅目妙花雲 同生機易識 等壽量難分

樂多无廢道 聲遠不妨聞 如何貪五濁

安然火自焚 願共諸眾生 往生安樂園

至心歸命禮 西方阿彌陀佛 臺裏天人現 光中侍者看 懸空四寶閣 臨迥七重欄

疑多邊地久 德少上生難 且莫論餘願

西望已心安 願共諸眾生 往生安樂園

至心歸命禮 西方阿彌陀佛 六根常合道

三塗永絕名 念頃遊方遍 還時得忍名

地平无極廣 風長是處清 寄言有心輩

共出一危城 願共諸眾生 往生安樂園

至心歸命禮 西方阿彌陀佛 哀愍覆護我

今法種增長 此世及後生 願佛常攝受

願共諸眾生 往生安樂園

至心歸命禮 西方極樂世界 觀世音菩薩

願共諸眾生 往生安樂園

至心歸命禮 西方極樂世界 大勢至菩薩

願共諸眾生 往生安樂園

至心歸命禮 西方極樂世界 諸菩薩

清淨大海眾 願共諸眾生 往生安樂園

普為師僧父母善 知識法界眾 生斷

除三障 同得往生 阿彌陀佛 國歸命

懺悔

第六比丘善導 願往生 禮讚 偈依

十六觀作二十拜 當中時 禮懺 懺悔

回前後

集諸禮懺儀卷下 第七張 庚字

至心歸命禮 西方阿彌陀佛

觀彼彌陀極樂界 廣大寬平眾寶成

四十八願莊嚴起 起諸佛刹寂為精

本國他方大海眾 窮劫算數不知名

普勸歸西同彼會 恒沙三昧自然成

願共諸眾生 往生安樂國

至心歸命禮 西方阿彌陀佛

地下莊嚴七寶幢 无量無邊无億數

八方八面百寶成 見彼无生自然悟

無生寶國永為常 一切寶流无數光

行者傾心常對目 騰神踊躍入西方

願共諸眾生 往生安樂國

至心歸命禮 西方阿彌陀佛

地上莊嚴轉无極 金繩界道非工匠

彌陀願智巧莊嚴 菩薩入天散華上

寶地寶色寶光嚴 一一光成无數臺

臺中寶樓千万億 臺側百億寶幢圍

願共諸眾生 往生安樂國

至心歸命禮 西方阿彌陀佛

一一臺上虛空中 莊嚴寶樂亦无窮

八種清風尋光出 隨時鼓樂應機音

機音正受稍為難 行住坐卧攝心觀

唯除睡時常憶念 三昧无為即涅槃

集諸禮懺儀卷下 第八張 庚字

願共諸眾生 往生安樂國

至心歸命禮 西方阿彌陀佛

寶國寶林諸寶樹 寶華寶葉寶根莖

或以千寶分林異 或有百寶共成行

行行相當葉相次 色各不同光亦然

等量齊高三十萬 枝條相觸說无因

願共諸眾生 往生安樂國

至心歸命禮 西方阿彌陀佛

七重羅網七重宮 綺于迴光相映發

化天童子皆充遍 瓔珞輝光超日月

行行寶葉色千般 華敷等若旋金輪

果慶光成眾寶蓋 塵沙佛刹現無邊

願共諸眾生 往生安樂國

至心歸命禮 西方阿彌陀佛

寶池寶岸寶金沙 寶葉寶葉寶蓮華

十二由旬皆正等 寶羅寶網寶欄遮

德水分流尋寶樹 聞波觀樂證恬怡

寄語有緣同行者 努力離迷還本家

願共諸眾生 往生安樂國

至心歸命禮 西方阿彌陀佛

一一金繩界道上 寶樂寶樹千万億

諸天童子散香花 他方菩薩如雲集

無量无邊無能計 稽首彌陀恭敬立

集諸禮懺儀卷下 第九張 庚字

風鈴樹響遍虛空 歎說三尊无有極

願共諸眾生 往生安樂國

至心歸命禮 西方阿彌陀佛

彌陀本願華玉座 一切眾寶以為成

臺上四幢張寶幔 彌陀獨坐顯真形

真形光明遍法界 蒙光觸者心不退

晝夜六時專想念 終時快樂如三昧

願共諸眾生 往生安樂國

至心歸命禮 西方阿彌陀佛

彌陀佛身遍法界 影現眾生心想中

是故勸汝常觀察 依心起想表真容

真容寶像臨華座 心開見彼國莊嚴

寶樹三身華遍滿 風鈴樂響與文同

願共諸眾生 往生安樂國

至心歸命禮 西方阿彌陀佛

彌陀身色如金山 相好光明照十方

唯有念佛蒙光攝 當知本願寂為強

十方如來舒舌證 專稱名号至西方

到彼華臺聞妙法 十地願行自然彰

願共諸眾生 往生安樂國

至心歸命禮 西方阿彌陀佛

觀音菩薩大悲悲 已得菩提捨不證

一切五道内身中 六時觀察三輪應

應現身光紫金色 相好威儀轉無極
 恒舒百億光王手 普接有緣歸本國
 願共諸衆生 往生安樂國

至心歸命礼 西方阿弥陀佛
 勢至菩薩難思議 威光普照无边際
 有緣衆生蒙光觸 增長智慧超三界
 法界傾搖如轉蓬 化佛雲集滿虚空
 普勸有緣常憶念 永絕胞胎證六通
 願共諸衆生 往生安樂國

至心歸命礼 西方阿弥陀佛
 正坐加趺入三昧 想心垂念至西方
 觀見弥陀極樂界 地上虚空七寶莊
 弥陀身量極无边 重勸衆生觀小身
 丈六八尺隨機現 圓光化佛等前真
 願共諸衆生 往生安樂國

至心歸命礼 西方阿弥陀佛
 上輩上行上根人 求生淨土斷貪瞋
 就行差別分三品 五門相續助三因
 一日七日專精進 畢命乘臺出六塵
 慶哉難逢今得遇 永證无為法性身
 願共諸衆生 往生安樂國

至心歸命礼 西方阿弥陀佛
 中輩中一中根人 一日齋戒慶金蓮

孝養父母教迴向 為說西方快樂因
 佛與聲聞衆來取 直到弥陀華座邊
 百寶華籠逕七日 三品蓮開證小真
 願共諸衆生 往生安樂國

至心歸命礼 西方阿弥陀佛
 下輩下行下根人 十惡五逆等貪瞋
 四重偷僧謗正法 未曾慚愧悔前愆
 終時苦相皆雲集 地獄猛火罪人前
 忽遇往生善知識 急勸專稱彼佛名
 化佛菩薩尋聲到 一念傾心入寶蓮
 三業障重開多劫 于時始發菩提因
 願共諸衆生 往生安樂國

至心歸命礼 西方阿弥陀佛
 樂何當樂事難思議 無邊菩薩為同學
 性海如來盡是師 渴聞波若絕思漿
 念食無生即斷飢 一切莊嚴皆說法
 無心領納自然知 七覺花池隨意入
 八輩疑神會一枝 弥陀心水沐身頂
 觀音大勢與衣披 欵介騰空遊法界
 須臾授記号无為 如此逍遥无極處
 吾今不去待何時 願共諸衆生
 往生安樂國

至心歸命礼 西方阿弥陀佛

哀愍覆護我 今法種增長
 此世及後生 願佛常攝受
 願共諸衆生 往生安樂國

至心歸命礼 西方阿弥陀佛
 觀音勢至諸菩薩 清淨大海衆
 願共諸衆生 往生安樂國

普為師僧父母及善知識法界衆生
 斷除三障同得往生阿弥陀佛國歸
 命懺悔

上二品懺悔發願等同前須要中要
 取初須略中略取中須廣中廣取下其
 廣者就實有心願生者而勸或對四
 衆或對十方佛或對舍利尊像大衆
 或對一人若獨自等又向十方盡虛
 空三寶及盡衆生界等具向發露懺
 悔懺悔有三品上中下上品懺悔者
 身毛孔中血流眼中血出者名上品
 懺悔中品懺悔者遍身熱汗從毛孔
 出眼中血流者名中品懺悔下品懺
 悔者遍身徹熱眼中淚出者名下品
 懺悔此等三品雖有差別即是久種
 解脫分善根人致使今生敬法重人
 不惜身命乃至小罪若懺即能徹心

推諸經禮懺儀卷下 第三十三張 庚午字

隨能如此懺者不問久近所有重障
頓皆滅盡若不如是縱使日夜十二
時急走是無益若不作者應知雖不
能流淚流血等但能真心徹到者即
與上同救自十方諸佛十二部經一
切賢聖及一切天龍八部法界眾生
現前大眾等證知我某甲發露懺悔
從无始已來乃至今身煞害一切三
寶師僧父母六親眷屬善知識法界
眾生不可知數偷盜一切三寶師僧
父母六親眷屬善知識法界眾生物
不可知數於一切三寶師僧父母六
親眷屬善知識法界眾生上起邪心
不可知數妄語欺誑一切三寶師僧
父母六親眷屬善知識法界眾生不
可知數綺語調弄一切三寶師僧父
母六親眷屬善知識法界眾生不可
知數惡口罵辱誹謗毀譽一切三寶
師僧父母六親眷屬善知識法界眾
生不可知數兩舌鬪亂破壞一切三
寶師僧父母六親眷屬善知識法
界眾生不可知數或破五戒八戒十
戒十善戒二百五十戒五百戒菩薩

集諸經禮懺儀卷下 第三十四張 庚午字

三聚戒十无盡乃至一切戒及一切
威儀戒等自作教他見作隨喜不可
知數如是等眾罪亦如十方大地无
邊微塵無數我等作罪亦無邊无數
虚空无边我等作罪亦復无边法界
无边亦如上法性无边亦如上佛无
邊亦如上如是等罪上至諸菩薩下
至聲聞緣覺所不能知唯佛與佛乃
能知我罪之多少今於三寶前法界
眾生前發露懺悔不敢覆藏唯願十
方三寶法界眾生受我懺悔憶我清
淨始從今日願共法界眾生捨邪歸
正發菩提心慈心相向佛眼相看作
菩提眷屬真善知識同生阿彌陀佛
國乃至成佛如是等罪永斷相續更
不敢作懺悔已至心歸命阿彌陀佛
禮懺竟若入觀及睡時應發此願若
坐若立一心合掌正面向西十聲稱
阿彌陀佛觀音勢至諸菩薩清淨大
海眾竟弟子現是生死凡夫罪障深
重輪迴六道苦不可言今遇善知識
得聞阿彌陀本願名号一心稱念求願
往生願佛慈悲不捨本弘誓願攝受

集諸經禮懺儀卷下 第三十五張 庚午字

弟子不識阿彌陀佛身相光明願佛慈
悲示現弟子身相觀音勢至諸菩薩
等及彼世界清淨莊嚴光明等相道
此語已一心正念即隨意入觀及睡
或有正發願時即得見之或有睡時
得見此願比來亦大有現驗問曰稱
念禮觀阿彌陀佛現世有何功德利
益答曰若稱阿彌陀佛一聲即能除
滅八十億劫生死重罪礼念已下亦
是十往生經云若有眾生念阿彌陀
佛願往生者彼佛即遣二十五菩薩
擁護行者若行者坐若住若卧若晝
若夜一切時一切處不令惡鬼惡神
得其便也又如觀經云若稱礼念阿
彌陀佛願往生彼國者彼佛即遣无
數化佛無數化觀音勢至菩薩護念
行者復與前二十五菩薩等百重千
重圍遶行者不問行住坐卧一切時
處若晝若夜不離行者既有斯勝益
可憑願諸行者各須至心求往又如
無量壽經云若我成佛十方眾生稱
我名号下至十聲若不生者不取正
覺彼佛今見在世成佛當知本誓重

願不虛衆生稱念必得往生又如弥陀經云若有衆生聞說阿弥陀佛即應執持名号若一日若二日乃至七日一心稱佛不乱命欲終時阿弥陀佛與諸聖衆現在其前此人終時心不顛倒即得往生彼國佛告舍利弗我見是利故說是言若有衆生聞說是者應當發願願生彼國次下說云東方如恒河沙等諸佛南西北方及上下一一方如恒河沙等諸佛各於本國出其舌相遍覆三千大千世界說誠實言汝等衆生皆應信是一切諸佛所護念經云何名護念若有衆生稱念阿弥陀佛若七日及一日下下至一聲乃至十聲一念等必得往生證成此事故名護念經次下又云若稱佛往生者常為六万恒沙等諸佛之所護念故名護念經今既有此增上誓願可憑諸佛子等何不勸意去也

集諸經禮懺儀卷下

集諸經禮懺儀卷下

校勘記

- 一 底本，金藏廣勝寺本。
- 一 六〇一頁中一行經名，**磧**、**南**作「集諸經禮懺悔文卷下」；**普**作「諸經禮懺悔文卷第三」；**徑**、**清**作「集諸經禮懺悔文卷第三」。
- 一 六〇一頁中二行撰者，**磧**、**南**作「大唐西崇福寺釋智昇撰」；**普**作「大唐釋智昇撰」；**徑**、**清**作「唐西崇福寺釋智昇撰」。
- 一 六〇一頁中三行小字「比丘善導集記」，**磧**、**普**、**南**、**徑**、**清**無。
- 一 六〇一頁中一五行第九字「往」，**磧**、**普**、**南**、**徑**、**清**無。一七行第九字同。
- 一 六〇一頁下一行第一二字「若」，**磧**、**普**、**南**、**徑**、**清**作「是」。
- 一 六〇一頁下一行第五字「聞」，**麗**無。
- 一 六〇一頁下一四行「生也」，**麗**作

「往生也」。

- 一 六〇二頁上一行「自作」，**磧**、**普**、**南**、**徑**、**清**、**麗**作「若自作」。
- 一 六〇二頁上一八行第八字「必」，**磧**、**普**、**南**、**徑**、**清**、**麗**作「心」。
- 一 六〇二頁上一〇行「一一」，**磧**、**普**、**南**、**徑**、**清**作「一」。
- 一 六〇二頁中一行第五字「修」，**磧**、**普**、**南**、**徑**、**清**、**麗**作「修所謂」。
- 一 六〇二頁中一六行第九字「悉」，**磧**、**普**、**南**、**徑**、**清**、**麗**作「悉爲」。
- 一 六〇二頁下九行第七字「現」，**磧**、**普**、**南**、**徑**、**清**、**麗**作「理」。
- 一 六〇二頁下一七行第七字「收」，**磧**、**普**、**南**、**徑**、**清**作「拔」。
- 一 六〇二頁下二二行第一三字「障」，**磧**、**普**、**南**、**徑**、**清**、**麗**作「除障」。
- 一 六〇三頁上一行首字「期」，**磧**、**普**、**南**、**徑**、**清**、**麗**作「期者」。
- 一 六〇三頁上五行「念正」，**磧**、**普**、**南**、**徑**、**清**、**麗**作「正念」。
- 一 六〇三頁上一六行第四字「修」，

一 六〇三頁上一七行第一二字「十」，
麗作「一」。

一 六〇三頁上一八行「已弁」，
南、徑、清、麗作「已辨」。

一 六〇三頁上一九行「已得」，
南、徑、清、麗作「已能」。

一 六〇三頁中七行「此之」，
徑作「比之」。

一 六〇三頁中一六行「菩薩」，
麗作「菩薩上」。

一 六〇三頁下二行第七字「佛」，
普、南、徑、清無。

一 六〇三頁下末行「經觀」，
麗作「觀經」。

一 六〇四頁下八行末字「佛」，
徑無。

一 六〇四頁下一〇行右小字「布施
諸有情」，
南、徑、清無。

一 六〇四頁下一三行首字「禮」，
麗無。

一 六〇四頁下一八行小字「諸衆等
聽說黃昏偈」，
南、徑、清

無。

一 六〇五頁上四行「到彼」，
南、徑、清、麗作「到彼國」。

一 六〇五頁上一二行「臭身」，
南、徑、清作「臭屍」。

一 六〇五頁上一六行「勤修」，
南、徑、清作「勤學」。

一 六〇五頁中九行「六十」，
南、徑、清作「六時」。

一 六〇五頁下一三行「妙響」，
南、徑、清作「好響」。

一 六〇六頁上一四行「信惠難」，
普、南、徑、清作「信心難」；
麗作「信慧難」。

一 六〇六頁上一五行第一三字「弘」，
南、徑、清作「傳」。

一 六〇六頁中四行「父母」，
麗作「父母及」。

一 六〇六頁中八行「中夜時」，
南作「中夜夜」。

一 六〇六頁中一九行「百千日」，
普、南、徑、清作「千日月」。

一 六〇七頁上二行「彼尊」，
南、徑、清作「彼佛」。

一 六〇七頁中一行末字「國」，至此，
徑、清卷第三終，卷第四始。

一 六〇七頁中三行第六字「得」，
普、南、徑、清無。

一 六〇七頁中九行首字「禮」，
南、徑、清無。一三行第一二字、一
八行第一二字同。

一 六〇七頁中二二行第一三字「命」，
麗作「命禮」。頁下五行第五字同。

一 六〇七頁下六行「讚偈」，
南、徑、清、麗作「禮讚偈」。

一 六〇八頁上一二行首字「受」，
普、南、徑、清作「愛」。

一 六〇八頁下五行第四字「逾」，
普、南、徑、清作「途」。

一 六〇八頁下一〇行末字「早」，
麗作「果」。

一 六〇九頁上九行第三字「重」，
普、南、徑、清作「香」。

一 六〇九頁上一四行「去人布」，
南、徑、清

〔普、南、徑、清〕作「往人稀」；〔麗〕作「往人希」。

一 六〇九頁中三行第二字「意」，〔磧〕作「音」；〔普、南、徑、清〕作「早」。

一 六〇九頁中一三行第三字「減」，〔磧、普、南、徑、清〕作「減」。

一 六〇九頁中一九行第四字「須」，〔磧、普、南、徑、清〕作「修」。

一 六〇九頁下四行「已心」，〔磧、普、徑〕作「心已」。

一 六〇九頁下六行末字「名」，〔磧、普、南、徑、清、麗〕作「成」。

一 六〇九頁下一八行「父母」，〔磧、普、南、徑、清、麗〕作「父母及」。

一 六〇九頁下二二行「當中」，〔麗〕作「當中」。

一 六一〇頁上一〇行「一切」，〔磧、普、南、徑、清、麗〕作「一一」。

一 六一〇頁上一六行第七字「嚴」，〔磧、普、南、徑、清〕作「飛」。

一 六一〇頁中六行「无因」，〔麗〕作「因緣」。

一 六一〇頁中一五行「寶渠」，〔磧、普、南、徑、清、麗〕作「寶渠」。

一 六一〇頁下五行第七字「綬」，〔麗〕作「慢」。

一 六一〇頁下一〇行「佛身」，〔磧、普、南、徑、清〕作「身心」。

一 六一〇頁下一一行「起想」，〔磧、普、南、徑、清、麗〕作「起相」。

一 六一一頁上末行第四字「一」，〔磧、普、南、徑、清、麗〕作「行」。

一 六一一頁中三行第五字「逕」，〔磧、普、南、徑、清、麗〕作「經」。

一 六一一頁中一四行「啻樂」，〔磧、普、南、徑、清〕作「諦」。

一 六一一頁中一六行「念食」，〔磧、普、南、徑、清〕作「念服」。又「斷飢」，〔磧、普、南、徑、清〕作「療飢」。

一 六一一頁中一九行「大勢」，〔磧、普、南、徑、清〕作「勢至」。

一 六一一頁下一四行第五字「若」，〔磧、普、南、徑、清〕作「或」。

一 六一一頁下二二行第九字「今」，〔磧、普、南、徑、清〕作「令」。

一 六一二頁上一行首字「髓」，〔磧、普、南、徑、清、麗〕作「微髓」。

一 六一二頁上一三行第四字「是」，〔磧、普、南、徑、清、麗〕作「終是」。

一 六一二頁中一行「无盡」，〔磧、普、南、徑、清、麗〕作「無盡戒」。

一 六一二頁中六行第一三字「佛」，〔磧、普、南、徑、清〕作「方便」。

一 六一二頁中一四行第五字「真」，〔磧、普、南、徑、清〕作「作真」。

一 六一二頁中一六行「歸命」，〔麗〕作「歸命禮」。

一 六一二頁下一九行「不離」，〔磧、普、南、徑、清、麗〕作「常不離」。又第一〇字「既」，〔磧、普、南、徑、清、麗〕作「今既」。

一 六一三頁上一四行末字「下」，〔磧、普、南、徑、清、麗〕無。

一 六一三頁上一九行「誓願」，〔磧、普、南、徑、清〕作「願誓」。

一六一三頁上卷末經名，徑、清作
「集諸經禮懺悔文卷第四」。